

Yo'lovchilar tashish yo'nalishlarida xizmat ko'rsatish bo'yicha

SHARTNOMA

Shartnoma tuzilgan joy

Shartnoma raqami-son

Shartnoma tuzilgan sana

O'zbekiston Respublikasi Buyurtmachi tashkilot nomi, tashkiliy huquqiy shakli nomidan ish ko'ruvchi Buyurtmachi tashkilot nomidan ish olib boruvchi shaxs lavozimi, F.I.O.si, bundan keyin "Buyurtmachi" deb ataluvchi bir tomondan va Tashuvchi tashkilot nomi, tashkiliy huquqiy shakli rahbari Tashuvchi taraf nomidan ish olib boruvchi shaxs lavozimi, F.I.O.si, bundan keyin "Tashuvchi" deb ataluvchi ikkinchi tomondan quyidagilar haqida ushbu shartnomani tuzdilar.

I.SHARTNOMANING MAVZUSI

Buyurtmachi Tashuvchi tomonidan yo'lovchi tashish faoliyati boshlanish vaqti sanasidan Tashuvchi tomonidan yo'lovchi tashish faoliyati tugash vaqti sanasigacha bo'lgan muddatda Tashuvchiga ushbu shartnomaning 1-ilovasida belgilangan shartlarda, Yo'lovchi tashish faoliyatining harakat yo'nalishi raqami-sonli Yo'lovchi tashish faoliyatining harakat yo'nalishi nomi yo'nalishida yo'lovchilarni muntazam tashishni amalga oshirish huquqini beradi.

II. TOMONLARNING HUQUQ VA MAJBURIYATLARI

2.1. "Tashuvchi"ning majburiyatlari:

2.1.1. Shartnomaning ilovasida belgilangan yo'nalishga xizmat ko'rsatishning talab va shartlari to'liq rioya qilish;

2.1.2. Shartnomaning amaldagi muddati davomida transport xizmati ko'rsatish uchun berilgan yo'nalishda yo'lovchilarni muntazam tashish;

2.1.3. Xizmat ko'rsatish chog'ida tashish huquqini beruvchi litsenziyaga hamda muntazam yo'nalishda yo'lovchi tashish xizmatlarini ko'rsatish huquqini tasdiqlovchi guvohnomaga ega bo'lish;

2.1.4. Sertifikatga ega bo'lgan va O'zbekiston Respublikasi Vazirlar Mahkamasi tomonidan belgilangan tartibda ro'yxatga olingan ishga yaroqli transport vositalaridan foydalanish;

2.1.5. Yo'lovchilar va bagaj tashishning belgilangan qoidalariga rioya qilish;

2.1.6. Yo'lovchining xavfsizligini, xizmat ko'rsatishning zarur qulayliklari va shartlarini ta'minlash;

2.1.7. Ishlab chiqarish sanitariyasi va ekologiya talablarini bajarish;

2.1.8. Tashuvchi tashishni davom ettirishdan bosh tortgan taqdirda mijoz ko'rgan zararni qoplash;

2.1.9. Fuqarolarning ayrim toifalarini bepul va imtiyozli tashish;

2.1.10. Qonunchilik hujjatlarida nazarda tutilgan boshqa majburiyatlarni bajarish;

2.1.11. Yo'nalishning belgilangan sxemasidan o'zboshimchalik bilan chetga chiqmaslik, harakat jadvalini buzmaslik hamda yo'lovchilarga qonunchilik hujjatlarida nazarda tutilmagan biron-bir talabni qo'ymaslik.

2.1.12. yo'nalish talablari hamda ochiq tenderda tashuvchi tomonidan lot bo'yicha taqdim etilgan ma'lumotlar va takliflarga muvofiq xizmatlarni ko'rsatish.

Tashuvchining boshqa majburiyatlari

2.2. "Buyurtmachi"ning majburiyatlari:

2.2.1. Tashuvchidan shartnoma shartlariga o'zgartirish kiritish bo'yicha tushgan takliflarni o'rnatilgan tartibda ko'rib chiqish;

2.2.2. Tashuvchining avtotransport vositalariga muntazam yoʻnalishda yoʻlovchi tashish xizmatlarini koʻrsatish huquqini tasdiqlovchi guvohnomani taqdim etish;

2.2.3. yoʻlovchilarning huquqlari taʼminlanishini nazorat qilish;

2.2.4. yoqilgʻi-moylash materiallari, elektr energiyasi, asosiy ehtiyot qismlar va materiallar narxlari oʻzgarganda tariflarni oshirish yoki kamaytirish boʻyicha Tashuvchining taklif va xisob-kitoblarini koʻrib chiqishi;

2.2.5. yoʻnalish boʻyicha belgilangan tariflarni oʻzgartirilganligi haqida Tashuvchiga xabar berish;

2.2.6. shartnoma bir tomonlama bekor qilingan taqdirda 5 kun muddatda Tashuvchini yozma ravishda xabardor qilish.

Buyurtmachining boshqa majburiyatlari

2.3. “Tashuvchi”ning huquqlari:

2.3.1. fuqarolar hayotiga, yoʻl harakati xavfsizligiga tahdid soluvchi, ekologiya va sanitariya normalari buzilishiga yoki boshqa gʻayriqonuniy harakatlarga sabab boʻluvchi holatlarda tashishdan voz kechish;

2.3.2. shartnoma shartlarini oʻzgartirish yoki shartnomani bekor qilish yuzasidan Buyurtmachiga asoslangan takliflar kiritish;

2.3.3. Buyurtmachi tomonidan shartnoma asossiz ravishda bekor qilinganda sud organlariga murojaat qilish;

2.3.4. oʻz ixtiyori bilan Buyurtmachini xabardor qilgan holda, belgilangan tarifni pasaytirish;

2.3.5. Tashuvchi qonunchilik hujjatlariga muvofiq boshqa huquqlarga ham ega boʻlishi mumkin.

Tashuvchining boshqa huquqlari

2.4. “Buyurtmachi”ning huquqlari

2.4.1. Mazkur shartnoma talab va shartlariga, shuningdek, yoʻlovchi va bagaj tashish qoidalariga rioya etilishini nazorat qilish;

2.4.2. Tashuvchi tomondan shartnoma shartlariga rioya etilmaslik holatlari ikki marotabagacha qayd etilgan taqdirda Tashuvchiga ogohlantirish va kamchiliklarni bartaraf etish choralarini koʻrish boʻyicha koʻrsatma berish;

2.4.3. quyidagi hollarda shartnomani bir tomonlama bekor qilish:

a) monitoring natijalariga koʻra Tashuvchining lot boʻyicha bergan takliflari haqiqiy emas deb topilsa;

b) tashuvchi shartnoma talab va shartlarini uch marotaba buzsa;

v) tashuvchining litsenziyasi bekor qilinsa, tugatilsa yoki sud qaroriga asosan oʻn kundan ortiq muddatga toʻxtatilsa.

2.4.4. qonunchilik hujjatlariga muvofiq boshqa vakolatlarni amalga oshirish.

Buyurtmachining boshqa huquqlari

III. TOMONLARNING JAVOBGARLIGI

3.1. Tomonlar ushbu shartnoma majburiyatlarini bajarmagan yoki zarur darajada bajarmagan taqdirda qonunchilik hujjatlarida nazarda tutilgan tartibda javob beradi.

IV. YENGIB BOʻLMAYDIGAN KUCH (FORS-MAJOR) HOLATLARI

4.1. Agar ushbu shartnoma boʻyicha majburiyatlar qisman yoki toʻliq bajarilmasligi tabiat hodisalari va boshqa yengib boʻlmaydigan kuch holatlari natijasida kelib chiqsa va agar bu holatlar mazkur shartnomaning bajarilishiga

bevosita ta'sir etsa, tomonlar bunday qisman yoki to'liq bajarmaslik uchun javobgarlikdan ozod etiladilar.

4.2. Mazkur shartnoma bo'yicha majburiyatlarni bajarish muddati yengib bo'lmaydigan kuch holatlari amal qilgan, shuningdek ushbu holatlar yuzaga keltirgan vaqtga mutanosib ravishda uzaytiriladi.

4.3. Agar yengib bo'lmaydigan kuch holatlari yoki ularning oqibatlari besh kundan ko'p vaqtga cho'zilsa, u holda Buyurtmachi va Tashuvchi qanday choralar ko'rilishini muhokama qiladilar.

V. NIZOLARNI HAL ETISH TARTIBI

5.1. Mazkur shartnomani tuzish, ijro etish, o'zgartirish va bekor qilishda vujudga keladigan nizolarni Tomonlar muzokaralar yo'li bilan hal etish choralarini ko'radilar.

5.2. Tomonlar nizolarni hal eta olmasalar, ular qonunchilik hujjatlarida belgilangan tartibda sud tomonidan ko'rib chiqiladi.

VI. SHARTNOMANING AMAL QILISH MUDDATI, UNI O'ZGARTIRISH VA BEKOR QILISH

6.1. Mazkur shartnoma imzolangan kundan boshlab kuchga kiradi va ushbu shartnomaning 1.1. bandida belgilangan muddatlarda amalda bo'ladi.

6.2. Mazkur shartnomani o'zgartirish va bekor qilish tomonlarning kelishuviga ko'ra, shuningdek, shartnomaning 2.4.3. bandiga hamda O'zbekiston Respublikasining qonunchilik hujjatlariga muvofiq amalga oshiriladi.

6.3 Mazkur shartnoma tomonlarning har biri uchun bir xil teng yuridik kuchga ega bo'lgan ikki nusxada tuzildi.

VII. SHARTNOMAGA ILOVA QILINADIGAN HUJJATLAR

7.1. Yo'nalishga xizmat ko'rsatishning talab va shartlari mazkur shartnomaning ilovasida berilgan bo'lib, shartnomaning ajralmas qismi xisoblanadi.

VIII. TOMONLARNING REKVIZITLARI VA YURIDIK MANZILLARI

TARAFLARNING REKVIZITLARI

Buyurtmachi:

Manzil: Buyurtmachining manzili

Bank Buyurtmachining hisob raqami joylashgan bank nomi

H/R: Buyurtmachining hisob raqami

STIR: Buyurtmachining STIR raqami

Telefon: Buyurtmachining telefon raqami

Tashuvchi:

Manzil: Tashuvchi tarafning manzili

Bank Tashuvchi tarafning hisob raqami joylashgan bank nomi

H/R: Tashuvchi tarafning hisob raqami

STIR: Tashuvchi tarafning STIR raqami

Telefon: Tashuvchi tarafning telefon raqami

Shartnoma tuzilgan sana sanadagi Shartnoma raqami - sonli

shartnomaga ilova

Yo'nalishga xizmat ko'rsatish talab va shartlari

Tashuvchi tashkilot nomi, tashkiliy huquqiy shakli rahbari Tashuvchi taraf nomidan ish olib boruvchi shaxs lavozimi, F.I.O.si, bundan keyin “Tashuvchi” Tashuvchi tomonidan yo‘lovchi tashish faoliyati boshlanish vaqti sanasidan Tashuvchi tomonidan yo‘lovchi tashish faoliyati tugash vaqti sanasigacha bo‘lgan muddatda quyida keltirilgan shartlarda, Yo‘lovchi tashish faoliyatining harakat yo‘nalishi raqami-sonli Yo‘lovchi tashish faoliyatining harakat yo‘nalishi nomi yo‘nalishida yo‘lovchilarni tashishni amalga oshiradi.

1. Tashuvchi yo‘nalishda yo‘lovchilarni tashish uchun quyidagi davlat raqamiga, rusumiga, o‘rindiqlar soniga mos keluvchi jami Yo‘lovchilarni tashish uchun foydalaniladigan avtotransportlar soni dona avtotransportdan foydalanadi:

t№	Avtotransport rusumi	Davlat raqami	O‘rindiqlar soni	Umumiy sig‘imi
11.				
22.				
33.				
44.				
55.				

Tashuvchi yo‘lovchi tashish xizmatlarini ko‘rsatishda quyidagi choralarni ko‘radi:

yo‘lovchilarni tashishda O‘zbekiston Respublikasining “Avtomobil transporti to‘g‘risida”gi, “Faoliyatning ayrim turlarini litsenziyalash to‘g‘risida”gi va “Yo‘l harakati xavfsizligi to‘g‘risida”gi Qonunlari, O‘zbekiston Respublikasi Vazirlar Mahkamasining 2003-yil 4-noyabrda 482-sonli qarori bilan tasdiqlangan “O‘zbekiston Respublikasida avtomobil transportida yo‘lovchilar va bagaj tashish qoidalarini” va “O‘zbekiston Respublikasida avtobuslarda yo‘lovchilar tashish xavfsizligini ta‘minlashga doir talablar” va “Yo‘l harakati qoidalarini”ga qat’iy amal qilinishini ta‘minlash hamda ularda belgilangan talab va shartlarning to‘liq bajarilishini ta‘minlashga tashuvchi (birinchi rahbar) shaxsan javobgar;

2.2. yo‘lovchilarni sifatli tashish va xizmat ko‘rsatish madaniyatini oshirish, transport vositalarini boshqarish huquqi uchun muvofiq toifaga, shuningdek shaharlararo yo‘lovchilar tashish yo‘nalishlarida normativ-huquqiy hujjatlar talablari asosida belgilangan ish stajiga va tajribaga ega bo‘lgan haydovchilarni ishlatishni ta‘minlash;

2.3. “Tashuvchining fuqarolik javobgarligini majburiy sug‘urta qilish to‘g‘risida”gi O‘zbekiston Respublikasi Qonuni talablari asosida tashuvchining fuqarolik javobgarligini sug‘urta qilish bo‘yicha belgilangan majburiyatlarning bajarilishini ta‘minlash;

2.4. Agar tashuvchining lot bo‘yicha taqdim qilgan taklifida avtotransport vositalari navigatsiya hamda to‘lovni avtomatik qabul qiluvchi validator qurilmalari bilan jihozlanganligi to‘g‘risida ma’lumot bergan bo‘lsa, u holda navigatsiya va validator qurilmalarini doimiy ravishda ishlashini ta‘minlash, qurilmalarni haydovchilar tomonidan o‘chirib qo‘yilishiga yo‘l qo‘ymaslik;

2.5. belgilangan ish tartibi, tasdiqlangan qatnov jadvali, harakatlanuvchi tarkibning yo‘nalishda ishlashi uchun rejalashtirilgan soniga qat’iy amal qilish;

2.6. shaharlararo va xalqaro yo‘nalishlarda qatnovchi avtobuslar taxograflar bilan jixozlangan bo‘lishini va ularning doimiy soz holda ishlashini ta‘minlash;

2.7. har bir avtobus va mikroavtobusning salonida yo‘nalish sxemasi, yo‘l haqi qiymatining tarif jadvali osib qo‘yilishini, “Tashuvchi”ning telefon raqamlari, lyuk, derazalarni shoshilinch ochish usullari va yo‘l-transport xodisasi yuz berganida avtobus salonidagi oynalarni ko‘chirish usullari to‘g‘risida axborotlar, o‘t o‘chirgich, aptechkalar, avariya xolatida tashqariga chiqish joylari ishoralar bilan ko‘rsatib qo‘yilishi va boshqa qonunchilik talablari asosida jixozlanishini ta‘minlash;

2.8. avtobusni old tomonining pastki va o‘ng tomondagi oldingi eshikning yoniga yo‘nalishning raqami va qisqacha tavsifi ko‘rsatilgan trafaretlar joylashtirilishi;

2.9. avtobus davlat andozasi va uni ishlab chiqargan zavodning texnik shartlariga muvofiq jixozlanishi, shu jumladan falokat yuz berganida yo‘lovchilar tashqariga chiqadigan joy, o‘rindiqlar soz xolda bo‘lishi, o‘rindiqlari raqamlashtirilgan bo‘lishi, saloniga kiradigan eshiklar, hech qanday to‘siqsiz, avtomat usulda, haydovchining boshqaruvi bilan ochilib-yopilishi, mikroavtobusning salonida begona narsalar (zaxira qismlar solingan yashiklar, ishlatish uchun kerakli suyuqliklar solingan idishlar va sh.k.) saqlanishiga yo‘l qo‘ymaslik;

2.10. yo‘lovchilarni tashishda yo‘nalish bo‘yicha tasdiqlangan yo‘lkira haqi tarififikatsiyasida belgilangan miqdorida tarif qo‘llash. Tashish uchun tarifni oshirish tomoniga o‘zgartirishga yo‘l qo‘ymaslik;

2.11. yo‘nalish bo‘yicha tasdiqlangan qatnov jadvaliga, yo‘nalish sxemasiga muvofiq, faqat shartnoma tuzilgan avtovokzal va avtostansiyalar orqali amalga oshirilishini ta‘minlash;

2.12. avtobusni ishlatish paytida harakatlanishga xavf soluvchi, transport vositasi tizimlari va mexanizmlarida texnik tomondan buzilish yuz bersa avtobusni to'xtatish, hamda eshiklarni (zarurat bo'lsa avariya lyuklarini) ochish, yo'lovchilarni salondan pastga tushirish, ularni mavjud chiptalari bilan, shu yo'nalish bo'ylab kelayotgan keyingi avtobusga chiqarishni tashkil qilish;

2.13. haydovchi qatnov oldidan avtobusning kunlik texnik ko'rikdan o'tganligi va o'zining kunlik tibbiy ko'rikdan o'tganligini qayd ettirilgan yo'l varaqasini olib yurishini talab qilish;

2.14. transport vositalarining yo'nalishda muntazam ravishda qatnovini ta'minlash uchun transport vositalari yo'nalishdan chiqib ketgan vaziyatlarda avtobuslarni bir yo'nalishdan ikkinchi yo'nalishga o'tkazish. Texnik yoki boshqa sabablarga ko'ra yo'nalishdan chiqib ketgan avtotransportlarni tezkorlik bilan almashtirish uchun Zaruriy hollarda foydalanish uchun zahira avtotransportlarining sonita zaxira avtotransportga ega bo'lish;

2.15. avtotransport vositalari salonida haydovchilar va yo'lovchilarga chekish, faqat o'tirib ketish uchun mo'ljallangan avtotransport vositalari salonida o'rindiqlar sonidan ortiq yo'lovchilarni olib yurish, avtobus salonida va tomida yuk tashish, salonda spirtli ichimliklar ichish qat'iyan man etiladi.